



36a

E libris
gymnasio Mauritiano Magdeburgensi
a venerabili
Carolo Funk
theol. doctore et gymnasii direttore
a. 1857 hereditate relictis.

G. f. 171.



**VIRO
CLARISSIMO,
JOANNI MARTINO
RIEDEL,
AMPLISSIMOS
PRORECTORIS
HONORES**

**A. MDCCCXXXI.
IN ILLUSTRIS GYMNASIO ILFELDENSIS
ACQUISITOS**

**EX ANIMO
GRATULATUR
M. GOTTFRID. GROSCH,
RECT. SCHOL. STOLB.**

STOLBERGÆ, LITERIS EHRHARTINIS,

A 4





PROFECTORIS

Fausa tuos auget, CLARISSIME RIEDEL,
hones
Sors; cape virtutis præmia digna tuæ.
Quum bona maternis nos Porta foveret in ulnis,
Illa mihi virtus jam tua nota fuit.
Omne Tibi, memini, tempus periisse putabas,
Qvo non Castaliis imbuereris aqvis.
Sponte tua semper jungebas Græca Latinis,
Calcar nemo tuis adjiciebat eqvis.
Difficiles poteras facili solvissè labore
Nodos, qvos veterum plurima scripta tenent.
Jam tum svavifonos poteras componere versus,
Et tua subtili plectra movere manu.
Jam qvoqve monstrabat talem facundia lingvæ
Te fore, nunc qvalis factus es ipse, virum.
Jam pietate Deum veroqve timore colebas,
Vixqve tot egregiis moribus ullus erat.
E Portæ gremio, Musis plaudentibus, ibas,
Jenæ nectareas imbibiturus aqvas.

Hic ardens studiis fuit incubuisse voluptas,
Vivere cum Musis hic Tibi dulce fuit.

Grata Sophis aliquot placuit Tibi Jena per annos,
Grata fuit Jenæ docta cathedra Tibi.

Omnibus invitis, has tandem invitus Athenas
Linqvis, & Helmstadium denique vertis iter.

Hæc pia Musarum sedes superaddidit illam,
Quæ visa est studiis lima deesse tuis.

Nec mora; cœpisti carissimus esse Patronis,
Virtuti pretium qui statuisse sciunt.

Urbs prope Brunsvigam floret, quæ Peina vocatur,
Hæc Tibi Rectoris munera clara dedit.

Omnibus acceptus, qui Te videre, fuisti,
Grataque sedulitas dexteritasque fuit.

Tentasti nitidis mox inclarescere scriptis,
Unde fuit quovis linea ducta die.

FORMA CRUCIS multis IN MULTIS OBVIA REBUS
Exitit ingenii testis aperta tui.

Jam non fert animus, scriptorum necere laudes,
Quæ scio perdocta facta subinde manu.

Sors necopina tuam mutavit ab æthere sortem;
Tu Peinæ demtus, Peinaque demta Tibi.

Est locus ingenuis in amœna valle dicatus
Artibus; Ilfeldam tempora nostra vocant.

Ardua prærupti surgunt ad sidera montes,
Silvaque veloces nutrit opaca feras.

Verna sub arboreis philomela reconditur umbris,
Carmina quæ dulci gutture mane canit.

Florida piscosis per gramina murmurat undis
Rivulus, & læto prata liqvore rigat.

Non procul ignivomus Vulcanus fundere ferrum,
Et varii generis cudere vasa solet.

Huc Patris altriferi Te provida cura vocavit,
Ut claro fieres clarior ipse loco.

Poscat ut Herculeos schola perpetuosque labores;
Sunt etenim cunctis otia rara scholis;

Attamen & longi vulgasti scripta laboris,
Splendida quæ studii sunt documenta tui.
Te iuvis juvenes docuisse fideliter artes,
Fluxerit ut multus sudor ab ore tuo.
Qua ratione decet, spartam, quam nactus es, ornas,
Impositumque humeris fers patienter onus.
Tot studiis igitur meritisque VIR, INCLYTE tantis,
Adspirante tuus Numine crescit honos.
Jam PRORECTORIS præclaro nomine fulges,
Nomine quo lætum me decet esse tuo.
Arrident tua cœpta Deo, Regique potenti,
Qui populos sceptro justitiaque regit.
Te quoque suspiciunt magni summique Ministri,
Et tua multifonis plausibus ausa probant.
Te schola collaudat magni celebrata Neandri,
Flosque juventutis flagrat amore Tui.
Perge tot ac tantis meritis adungere laudes,
Et recto stadium tramite curre tuum.
Gloria virtutis comes est fidissima pulcræ,
Famaque laudatos fert super astra viros.
Auctus honore novo sis seros sospes in annos;
Quæ facis, ex voto prospera cuncta fluant;
Illa tuam bonitas servet divina salutem,
Quæ Tibi per vitam tam bona multa dedit;
Cresce, velut liquidas arbor bene crescit ad undas,
Quodque precor valide, sis memor usque mei!



78 M 428

Sign. (188) fehlt bzw.
koll. nicht vergeben!




Sb.

1077

R.40







**VIRO
CLARISSIMO,
JOANNI MARTINO
RIEDEL,**

**AMPLISSIMOS
DIRECTORIS
HONORES**

**A. MDCCCXXXI.
I GYMNASIO ILFELDENSIS
ACQUISITOS
EX ANIMO
GRATULATUR
OTTFRID. GROSCH,
RECT. SCHOL. STOLB.**

RGÆ, LITERIS EHRHARTINIS,



A. 4

